

სს „საქართველოს რკინიგზის“ მაგისტრალურ/ ძირითად (“Trunk”) გადაცემის ქსელთან  
დაშვების შეთავაზების წინადადება (მოწვევის ოფერტა)

## პრეამბულა

წინამდებარე დოკუმენტი (შემდგომში – ოფერტა), რომელიც შემუშავებულია „ელექტრონული კომუნიკაციების შესახებ“ საქართველოს კანონის, საქართველოს კომუნიკაციების ეროვნული კომისიის (შემდგომში კომისია) 2018 წლის 06 დეკემბრის № 671/9 და 2019 წლის 18 აპრილის № 235/19 გადაწყვეტილებით სს „საქართველოს რკინიგზისთვის“ დაკისრებული სპეციფიკური ვალდებულებების და სხვა ნორმატიული აქტების შესაბამისად, არეგულირებს სს „საქართველოს რკინიგზის“ (შემდგომში „ოფერენტი“) მიერ მაგისტრალურ/ძირითად (“trunk”) გადაცემის ქსელთან დაშვების შეთავაზების პირობებს, რომელიც ვრცელდება მაგისტრალურ/ძირითად (“trunk”) გადაცემის ქსელთან დაშვების მსურველი ყველა ავტორიზებული პირის მიმართ (შემდგომში „აქცეპტანტი“ ან „დაშვების მსურელი“).

### მუხლი 1. ტერმინთა განმარტება

- 1.1. წინამდებარე მოწვევის ოფერტაში გამოყენებულ ტერმინებს აქვთ შემდეგი მნიშვნელობა:
  - 1.1.1. აქცეპტის დოკუმენტაცია - 2.4 მუხლში მითითებული დოკუმენტები, რომლებიც აქცეპტანტმა უნდა წარუდგინოს ოფერენტს დაშვების პროცედურის ინიცირების მიზნით;
  - 1.1.2. აქცეპტის ფორმა - აქცეპტანტის მიერ მოწვევის ოფერტაში მითითებული პირობების შესაბამისად შევსებული და ოფერენტისთვის წარდგენილი წინამდებარე ოფერტის #1 დანართი;
  - 1.1.3. მომსახურების ხელშეკრულება - მოწვევის ოფერტაზე დაშვების მსურველის მიერ აქცეპტის გავთების შემდგომ, ოფერენტსა და აქცეპტანტს შორის გაფორმებული/გასაფორმებელი ხელშეკრულება, მაგისტრალურ/ძირითად (“trunk”) გადაცემის ქსელთან დაშვების მომსახურების შესახებ;
- 1.2. წინამდებარე მოწვევის ოფერტაში გამოყენებული სხვა ტერმინების მნიშვნელობა განისაზღვრება „ელექტრონული კომუნიკაციების შესახებ“ საქართველოს კანონისა და საქართველოს კანონდმებლობის შესაბამისად.

### მუხლი 2. მომსახურების ხელშეკრულების გაფორმების პირობები და პროცედურები

- 2.1. წინამდებარე ოფერტით გათვალისწინებული მომსახურების მიწოდების საფუძველს წარმოადგენს ოფერენტსა და აქცეპტანტს შორის გაფორმებული წერილობითი ხელშეკრულება. მომსახურების ხელშეკრულების გაფორმების მიზნით დაშვების მსურველმა ოფერენტს უნდა წარუდგინოს სათანადოდ შევსებული აქცეპტის ფორმა, რომლითაც დადასტურდება, რომ იგი გაცნობილია წინამდებარე ოფერტას და აცხადებს უპირობო აქცეპტს ოფერტის ყველა პირობის მიმართ.
- 2.2. ოფერენტი უზრუნველყოფს დაშვების მსურველისათვის მაგისტრალურ/ძირითად (“trunk”) გადაცემის ქსელთან დაშვებას წინამდებარე მოწვევის ოფერტის #2 დანართში მითითებულ მონაკვეთებზე და გეოგრაფიულ საზღვრებში.
- 2.3. იმ შემთხვევაში, თუ დაშვების მსურველს ოფერენტის მიმართ გააჩნია შეუსრულებელი ფინანსური ვალდებულება, იგი ვალდებულია დაუყოვნებლივ დაფაროს არსებული

დავალიანება, წინააღმდეგ შემთხვევაში, მის მიერ წარმოდგენილი აქცეპტის ფორმა ჩაითვლება ძალადაკარგულად და შესაბამისად, ოფერენტს არ წარმოეშობა ვალდებულება გააფორმოს დაშვების მსურველთან წინამდებარე ოფერტით განსაზღვრული მომსახურების ხელშეკრულება.

2.4. დაშვების პროცედურის ინიცირებისათვის, გარდა აქცეპტანტის უფლებამოსილი წარმომადგენლის მიერ ხელმოწერილი და შევსებული აქცეპტის ფორმისა, აქცეპტანტი ვალდებულია ოფერენტს წარუდგინოს შემდეგი დოკუმენტები:

2.4.1. „ელექტრონული კომუნიკაციების შესახებ“ საქართველოს კანონის შესაბამისად აქცეპტანტის მიერ მოპოვებული/კომისიის მიერ გაცემული ავტორიზაციის დამადასტურებელი დოკუმენტის ასლი (ავტორიზაციის მოწმობა);

2.4.2. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან აქცეპტანტის შესახებ;

2.4.3. იმ შემთხვევაში, თუ აქცეპტანტს წარმოადგენს მინდობილი პირი, წარმომადგენლობის უფლებამოსილების დამადასტურებელი დოკუმენტის ორიგინალი ან დამოწმებული ასლი.

2.5. აქცეპტის დოკუმენტაცია აქცეპტანტმა უნდა წარმოადგინოს წერილობითი ფორმით, ოფერენტის იურიდიულ მისამართზე ან/და ელექტრონული ფოსტის მეშვეობით, შემდეგ მისამართზე: [Giga.Katcharava@railway.ge](mailto:Giga.Katcharava@railway.ge).

2.6. იმ აქცეპტანტს, რომელმაც პირველმა წარადგინა მოწვევის ოფერტის პირობების სრულად შესაბამისობაში მყოფი აქცეპტის დეოკუმენტაცია, ენიჭება უპირატესობა სხვა აქცეპტანტებთან მიმართებაში.

2.7. აქცეპტის დოკუმენტაციის წერილობით ან/და ელექტრონული ფოსტით მიღებიდან 5 (ხუთი) სამუშაო დღეში იფერენტი შეისწავლის მათ შესაბამისობას ზემოთ მითითებულ მოთხოვნებთან.

2.8. იმ შემთხვევაში თუ აქცეპტის დოკუმენტაცია წარმოდგენილია არასრულყოფილად, ან აქცეპტანტს გააჩნია შეუსრულებლი ფულადი ვალდებულება ოფერენტის მიმართ, ოფერენტი მას განუსაზღვრავს დოკუმენტაციის სრულყოფილად წარმოდგენის/არსებული ფულადი ვალდებულების შესრულების 5 (ხუთი) დღიან ვადას. აღნიშნული ვადის უშედეგოდ გასვლის შემდგომ, ჩაითვლება, რომ აქცეპტი არ გაკეთებულა.

2.9. იმ შემთხვევაში, თუ ოფერენტს არ გააჩნია აქცეპტის ფორმით მოთხოვნილი მომსახურების გასაწევად თავისუფალი რესურსი, აქცეპტის დოკუმენტაციის მიღებიდან 5 (ხუთი) სამუშაო დღის ვადაში იგი აცნობებს აღნიშნულის შესახებ აქცეპტანტს და შესაბამისად, ჩაითვლება, რომ აქცეპტი არ გაკეთებულა.

2.10. ამ მუხლის მოთხოვნათა დაცვით წარდგენილი აქცეპტის ფორმისა და შესაბამისი დოკუმენტაციის ჩაბარებიდან 5 (ხუთი) დღის ვადაში დაერთების მსურველ პირს მომსახურების ხელშეკრულების პროექტი გაეგზავნება მის მიერ მითითებულ ელექტრონულ მისამართზე. დაერთების მსურველი პირი ვალდებულია 5 (ხუთი) დღის ვადაში ელექტრონული სახით გაუგზავნოს ოფერენტს შესაძლო შენიშვნები ხელშეკრულების პროექტთან დაკავშირებით. ოფერენტი შემდგომი 5 (ხუთი) დღის ვადაში უგზავნის ხელშეკრულების ხელმოწერილ ეგზემპლარებს დაერთების მსურველ პირს, რომელიც ვალდებულია 3 (სამი) დღის ვადაში ხელშეკრულების მისი მხრიდან ხელმოწერილი ეგზემპლარი გადასცეს ოფერენტს, წინააღმდეგ შემთხვევაში მიიჩნევა, რომ ოფერტაზე აქცეპტი არ განხორციელებულა და ოფერენტსა და დაერთების მსურველ პირს შორის სამართლებრივი ურთიერთობა არ წარმოშობილა.

2.11. მომსახურების ხელშეკრულების საფუძველზე ოფერენტის მიერ აქცეპტანტისათვის მომსახურების გაწევა დაიწყება აღნიშნული ხელშეკრულების მაღაში შესვლის თარიღიდან, იმ პირობით, რომ მოცემულ ვადაში აქცეპტანტი დააკმაყოფილებს მომსახურების ხელშეკრულებით განსაზღვრულ მოთხოვნებს.

### **მუხლი 3. დამატებითი სიმძლავრის გამოყოფის წესი**

3.1. მომსახურების ხელშეკრულების მოქმედების განმავლობაში წესისმიერ დროს, იმ პირობით, რომ მოცემული მომენტისათვის აქცეპტანტს შესრულებული აქვს ოფერენტის მიმართ ყველა ფულადი ვალდებულება, აქცეპტანტი უფლებამოსილია მოითხოვოს მომსახურებისთვის დამატებითი სიმძლავრის გამოყოფა. ასეთი წერილობითი მოთხოვნის მიღების შემდეგ, იმ შემთხვევაში, თუ ოფერენტს აქვს შესაბამისი რესურსი, ოფერენტი და აქცეპტანტი გააფორმებენ შესაბამის ცვლილებას მომსახურების ხელშეკრულებაში. ცვლილების გაფორმება ხდება ამ მუხლით განსაზღვრული პირობებისა და ვადების ანალოგიურად.

### **მუხლი 4. თანალოგაციის ფართით სარგებლობის პირობები და საფასური**

4.1. ოფერენტის მიმართ ფულადი ვადებულებების არარსებობის, აქცეპტანტის წერილობითი მოთხოვნისა და თავისუფალი ფართის არსებობის შემთხვევაში, ოფერენტი მოახდენს თანალოგაციის ფართობით სარგებლობის უზრუნველყოფას.

4.2. თანალოგაციის ფართობზე აქცეპტანტის დაშვება და მისი ტექნიკური საშუალებების განთავსებისა და საოპერაციო მომსახურების განხორციელების უზრუნველყოფა შესაძლებელია თბილისში თამარ მეფის გამზ. 15-ში; სადაც ოფერანტი უზრუნველყოფს არასანქცირებული შეღწევისგან დაცვას, აქცეპტანტის მომსახურე პერსონალის წინასწარი წერილობითი შეთანხმებით დაშვებას.

4.3. ოფერენტის თანალოგაციის ფართებზე აქცეპტანტის მოწყობილობის განთავსების 1 თვის საფასური, გაბარიტების მიხედვით, შეადგენს: 1მ x 1მ x 1მ ტოლ ან ნაკლებ გაბარიტებზე 700 (შვიდასი) ლარს, ხოლო ნებისმიერი განზომილების ყოველ დამატებით 0,5 მ-მდე - 100 (ასი) ლარს (გადასახადების გარეშე).

4.4. 4.1. პუნქტით განსაზღვრული შემთხვევის არსებობის პირობებში, ოფერენტი და აქცეპტანტი გააფორმებენ შესაბამის ცვლილებას მომსახურების ხელშეკრულებაში. ცვლილების გაფორმება ხდება მე-3 მუხლით განსაზღვრული პირობებისა და ვადების ანალოგიურად.

4.5. 4.3. პუნქტით განსაზღვრული საფასურები შეიძლება ნებისმიერ დროს შეიცვალოს ოფერენტის მიერ ცალმხრივად, წინასწარი შეტყობინების საფუძველზე. კანონმდებლობით და ხელშეკრულებით გათვალისწინებულ შემთხვევებში, წინამდებარე ოფერტაში ცვლილების შემთხვევაში აქცეპტანტისთვის ავტომატურად იცვლება ამ მუხლით გათვალისწინებული მომსახურების ღირებულების ოდენობა.

### **მუხლი 5. ტესტირება, ხარჯზის აღმოფხვრის ვალდებულება და პასუხისმგებლობა**

5.1. მომსახურების მისაღებად აქცეპტანტი ვალდებულია საკუთარი მალისხმევით, სახსრებითა და რისკით უზრუნველყოს მიერთება #2 დანართში მითითებული შესაბამისი მონაცემთა დაშვების წერტილზე.

5.2. დაშვების პროცედურების დასრულების შემდეგ 3 (სამი) სამუშაო დღის განმავლობაში მხარეებმა უნდა განხორციელონ აქცეპტანტისთვის გამოყოფილი რესურსების ფიზიკური პარამეტრების ტესტირება, რომელიც გულისხმობს რესურსების მახასიათებლების მოთხოვნილ პარამეტრებთან შესაბამისობის დადგენას („ტესტირება“). ტესტირებას უნდა ესწრებოდნენ ორივე მხარის წარმომადგენლები. ტესტირების დასრულების შემდეგ მხარეებმა უნდა გააფორმონ შესაბამისი მიღება-ჩაბარების აქტი, სადაც ასახავენ ტესტირების შედეგებს.

5.3. მომსახურების ფარგლებში ოფერენტი უზრუნველყოფს მომსახურების შეუფერხებლად მიწოდებას.

5.4. აქცეპტანტი იღებს ვალდებულებას, რომ სამუშაოების ჩატარების დროს დაიცავს

უსაფრთხოების ნორმებს, არ დააზიანებს ოფერენტის ქსელს და არ მოახდენს საზიანო ხელშეშლას ან/და არ გამოიწვევს რაიმე სახის შეფერხებას ოფერენტის ქსელის ფუნქციონირებაში. 5.5. საზიანო ხელშეშლის ან სხვა ისეთი გარემოების დადგომისას, რაც საფრთხეს უქმნის ქსელის უსაფრთხოებას, თუ სხვა საშუალებით საფრთხის არიდება შეუძლებელია, მხარეები დაუყოვნებლივ მიიღებენ ყველა ზომას ხელისშემშლელი ფაქტორების აღმოსაფხვრელად. საჭიროების შემთხვევაში მხარეები შექმნიან ერთობლივ კომისიას. საზიანო ხელშეშლა გულისხმობს ხელშეშლას, რომელიც საზიანო (მავნე) ზეგავლენას ახდენს მომსახურების ხელშეკრულების მონაწილე მხარის ქსელის ელემენტებზე, აპარატურაზე, მოწყობილობებზე და ნებისმიერ საგანზე, რომელიც შეაფერხებს ან დაუკარგავს მომსახურების ხარისხს ან რაიმე სახის ზეგავლენას მოახდენს ქსელის უსაფრთხოებაზე ან საფრთხეს შეუქმნის მის გამართულ ფუნქციონირებას.

5.6. აქცეპტანტის მხრიდან ამ მუხლით ნაკისრი ვალდებულების დარღვევისა და ოფერენტის ზიანის მიყენების შემთხვევაში, აქცეპტანტს ეკისრება დამდგარი ზიანის დაუყოვნებლივი ანაზღაურების ვალდებულება.

5.7. ოფერენტი ვალდებულია აღმოფხვრას საკუთარი ქსელის ნებისმიერი დაზიანება, რომელიც აფერხებს აქცეპტანტის მიერ მომსახურების მიღებას, გონივრულ ვადაში, რომელიც არ უნდა აღემატებოდეს კომისიის 2006 წლის 17 მარტის #3 დადგენილებით დამტკიცებული „ელექტრონული კომუნიკაციების სფეროში მომსახურების მიწოდების წესებისა და მომხმარებელთა უფლებების დაცვის შესახებ“ რეგლამენტით გათვალისწინებულ ვადებს.

## მუხლი 6. მომსახურების ტარიფები და ანგარიშსწორების პირობები

6.1. აქცეპტანტისათვის ოფერენტის მიერ გაწეული მომსახურების საფასური („მომსახურების საფასური“) გამოიანგარიშება აქცეპტანტის მიერ ერთ ან/და რამდენიმე მონაკვეთზე მოთხოვნილი სიმძლავრეების ჯამური მოცულობით, N3 დანართში მითითებული ტარიფების შესაბამისად.

6.2. ანგარიშსწორება ხორციელდება უნაღდო ანგარიშსწორების წესით, მომსახურების ხელშეკრულებაში მითითებულ ოფერენტის საბანკო ანგარიშზე თანხის ჩარიცხვის გზით, ყოველი საანგარიშო თვის ბოლო სამუშაო დღეს მხარეთა შორის გაფორმებული მიღება-ჩაბარების აქტისა და ოფერენტის მიერ გამოწერილი შესაბამისი საგადასახადო ანგარიშ-ფაქტურის საფუძველზე, აღნიშნული მიღება-ჩაბარების აქტის გაფორმებიდან 7 (შვიდი) კალენდარული დღის განმავლობაში. არასრული თვით მომსახურების გაწევის შემთხვევაში, გაწეული მომსახურების ღირებულების დაანგარიშება მოხდება დღეთა პროპორციულად.

6.3. ყოველგვარი გაუგებრობის გამორიცხვის მიზნით, მხარეები თანხმდებიან, რომ წინამდებარე ოფერტას მე-4 მუხლით განსაზღვრული მომსახურების ღირებულების გადახდას აქცეპტანტი მოახდენს 6.2. პუნქტით განსაზღვრული წესის შესაბამისად, ფაქტობრივად მიწოდებული მომსახურების ღირებულების ოდენობით (ასეთის არსებობის შემთხვევაში).

6.3. პირველადი გადასახადი, წინამდებარე ოფერტას N1 დანართით განსაზღვრული მომსახურების ყოველთვიური საფასურის სრული ოდენობით, ექვემდებარება გადახდას მხარეთა მიერ მომსახურების ხელშეკრულების ხელმოწერიდან 5 (ხუთი) კალენდარული დღის ვადაში. აღნიშნული პირველადი გადასახადი წარმოადგენს სადეპოზიტო შენატანს და იგი აქცეპტანტს ჩაეთვლება მომსახურების ბოლო თვის საფასურში ან დაფარავს აქცეპტანტის დებიტორულ დავალიანებას, ასეთის არსებობის შემთხვევაში. მომსახურების ხელშეკრულების ნებისმიერი მიზეზით შეწყვეტის შემთხვევაში, შეწყვეტიდან 5 (ხუთი) კალენდარული დღის ვადაში ოფერენტი დაუბრუნებს აქცეპტანტს სადეპოზიტო შენატანის აუთვისებელ ნაწილს, ასეთის არსებობის შემთხვევაში.

6.4. ანგარიშსწორების ვადის დარღვევის შემთხვევაში, ოფერენტი განაგრძობს აქცეპტანტისთვის მომსახურების გაწევას იმ პერიოდის განმავლობაში, რომელსაც დაფარავს სადეპოზიტო შენატანი.

6.5. იმ შემთხვევაში თუ, ოფერენტის მხრიდან გაწეული მომსახურების ღირებულება მიაღწევს აქცეპტანტის მიერ განხორციელებული სადეპოზიტო შენატანის ოდენობას, ოფერენტი უფლებამოსილია შეაჩეროს მომსახურების გაწევა.

6.6. 6.4. პუნქტით განსაზღვრული მდგომარეობის დადგომის შემთხვევაში, ოფერენტი უფლებამოსილია დააკისროს აქცეპტანტს პირგასამტებლოს გადახდა, გადასახდელი თანხის 0,1%-ს ოდენობით, ყოველ ვადაგადაცილებულ დღეზე. პირგასამტებლოს ოდენობა გამოიანგარიშება სადეპოზიტო შენატანის ოდენობის ამოწურვის დღიდან (პირგასამტებლო არ შეიძლება აღემატებოდეს გადასახდელი საფასურის ოდენობის 20%-ს).

6.7. პუნქტისგან დამოუკიდებლად, ყოველი შემდგომი ანგარიშსწორების ვადის დარღვევის შემთხვევაში, ოფერენტი უფლებამოსილია დააკისროს აქცეპტანტს პირგასამტებლოს გადახდა, გადასახდელი თანხის 0,1%-ს ოდენობით, ყოველ ვადაგადაცილებულ დღეზე. პირგასამტებლოს ოდენობა გამოიანგარიშება ანგარიშსწორების ვადის დარღვევის დღიდან (პირგასამტებლო არ შეიძლება აღემატებოდეს გადასახდელი საფასურის ოდენობის 20%-ს).

6.8. იმ შემთხვევაში თუ, აქცეპტანტი ვერ უზრუნველყოფს დავალიანების 30 (ოცდაათი) კალენდარული დღის ვადაში დაფარვას, ოფერენტი უფლებამოსილია ცალმხრივად შეწყვიტოს ხელშეკრულება.

6.9. წარმოშობილი დავალიანების დაფარვა არ ათავისუფლებს აქცეპტანტს პირგასამტებლოს გადახდისგან.

## მუხლი 7. ოფერტას მოქმედების ვადა

წინამდებარე მოწვევის ოფერტა ძალაში შედის 2023 წლის 1 ოქტომბრიდან და მოქმედებს 3 (სამი) წლის განმავლობაში.

## მუხლი 8. დასკვნითი დებულებები

8.1. წინამდებარე ოფერტასა და მხარეთა შორის გაფორმებულ ხელშეკრულებას შორის სხვაობის ან წინააღმდეგობის არსებობისას უპირატესი ძალა ენიჭება და მოქმედებს ხელშეკრულებით გათვალისწინებული პირობები, გარდა მომსახურების საფასურის, დაშვების, მათ შორის თანალოკაციის ფართზე დაშვების პირობებისა და კანონმდებლობით ან ხელშეკრულებით გათვალისწინებულ სხვა შემთხვევებში.

8.2. წინამდებარე ოფერტის ძალაში შესვლით ძალადაკარგულად ცხადდება 2019 წლის 15 იანვრის ოფერტა.

სს საქართველოს რკინიგზის ფილიალ  
„ვორლდ ბიზნეს სოლუშენსი“-ს  
დირექტორი

გრიგორი კაჭარავა

მისამართი: საქართველო, თბილისი, 0102, თამარ მეფის გამზირი 15

ტელეფონი: (032) 2198949

ელ.ფოსტა: [Giga.Katcharava@railway.ge](mailto:Giga.Katcharava@railway.ge)

## 1. აქცეპტანტის მონაცემები:

აქცეპტანტის საფირმო სახელწოდება:	
სამართლებრივი ფორმა:	
საიდენტიფიკაციო ნომერი:	
რეგისტრაციის ნომერი, თარიღი:	
მარეგისტრირებული ორგანიზაცია:	
იურიდიული მისამართი:	
დამატებითი ინფორმაცია: ელ. ფოსტა:	

2. აქცეპტანტის მიერ მოთხოვნილი მაგისტრალურ/ძირითად ("trunk") გადაცემის ქსელთან  
დაშვების მომსახურება:

მომსახურების გეოგრაფიული საზღვრები:  
მოცულობა:

## 3. აქცეპტანტის წარმომადგენელთა საკონტაქტო ინფორმაცია:

საკონტაქტო პირი	საკონტაქტო პირის პოზიცია	ელექტრონული ფოსტის მისამართი	საკონტაქტო ნომერი:

შენიშვნა: წინამდებარე აქცეპტის ფორმაზე ხელმოწერით, აქცეპტანტი ადასტურებს, რომ იგი  
გაუცნო და ეთანხმება ოფერენტის მოწვევის ოფერტას პირობებს.

აქცეპტანტის უფლებამოსილი წარმომადგენლის სახელი, გვარი:

პოზიცია:

ხელმოწერა:

თარიღი:

## **დანართი N2**

**ოფერტის მოქმედების გეოგრაფიული საზღვრები:**

- თბილისი - გარდაბნი
- თბილისი - მარნეული

## **დანართი N3**

**მომსახურების ტარიფები**

1. ოპტიკურ-ბოჭკოვან კაბელში ერთ კილომეტრზე, ერთი მარლვის იჯარის ღირებულება, გადასახადების გარეშე შეადგენს 14,9 ლარს.
2. მონაცემების ტრანსპორტირების 1 (ერთი) მეგაბიტ/წმ-ზე მომსახურების ღირებულება, გადასახადების გარეშე, შეადგენს 0,50 ლარს. არხის მომსახურების ყოველთვიური საფასური (არ მოიცავს გადასახადებს)

**შენიშვნა:** ტარიფები შეიძლება წევისმიერ დროს შეიცვალოს ოფერენტის მიერ ცალმხრივად, წინასწარი შეტყობინების საფუძველზე. კანონმდებლობით და ხელშეკრულებით გათვალისწინებულ შემთხვევებში წინამდებარე იფერტაში ცვლილების შემთხვევაში აქცეპტანტისთვის ავტომატურად იცვლება ამ ოფერტათი გათვალისწინებული მომსახურების ტარიფები.